

Gabh mo chomhairle, a mheic mhín

[Ní Dhonnchadha, Máirín: 'An address to a student of Law', *Sages, Saints and Storytellers* (Celtic studies in honour of Prof. James Carney, Maynooth, 1989), 159-77]

1 Gabh mo chomhairle a mheic mhín,  
gan roghairbhe, gan ghleic nglóir,  
lean slighe raghlain na riar,  
adhradh ciall id chride is cóir.

2 Beir do lorg gu díreach daith,  
budh mínleach gach borb ód bhreith -  
do-bhearaid a gcuid a cloich  
agus a sgoith buicc na beich.

3 Lean dot fhoghlaim - béara bhuidh!  
ná déana doghraing dod dheoin,  
gach ní ná tuicfe, tuig féin  
agus bu léir duid fa dheoidh.

4 Ogham nach coimhghléighearr colg  
agus an t-oirléigheann ard -  
eochracha oslaigthe glas  
breitheamhan mbras 7 mbard.

5 Meabraigh seinbhriathra na suadh  
agus deighriarfa gach dal,  
ní fhuighbhe meabhal ná méal,  
is féagh do leabhar dá lár.

6 Na Berradha Féine ad-fias -  
ealadha is éimhe do fhás -  
is breatha soinnmhe na Seacht,  
dar an gCoimdhe, is ceart an cás!  
déana go teann is ná teich,  
budh fearr do bhreith ná do bhás.

7 Meabhraigh gach seanfhásach sunn,  
giodh seanfhásach nocha searbh  
is as is fharr bhéara breith  
dá bhféagha gach leith, dar leam.

8 Cuimhnigh aithne Fhíothail fhéil  
ar Fhlaithe ros síothaigh slóigh,  
ó tharla i leabhraibh ar leith,  
meabhraigh agus feith go fóill.

9 Féagh an deasrodharc ar dtús,  
is déan gach feaschomarc fós,  
a mhacaomh bhreathghlain na mbreath,

leathfaidh tar gaca leath do nós.

10 Teagasga Cormaic úí Chuind  
ar Chairbre is orrdhraic ainm,  
déana is na déana go baoth -  
do-ghéabha mar ghaoth do ghairm.

11 Do-ghéan deit - comhaill go cóir -  
Teagasga Morainn mheic Mhaoín  
ar Neire na gcaingean gceart,  
beir go daingean leat id laoidh.

12 “Trá”, “iomorra”, “acht”, is “ar”,  
nocha comráidhte ban mbaoth,  
ní theagaid choidhche gan chuid,  
toisgidhe tuig is ná traoth.

13 Fear coimhgne geinealaigh glan  
do gach dheighfheadhain is dlugh,  
go n-iomad seanchasa suairc -  
is é dhleaghas cuairt do chur.

14 Meabhraigh gach rann marbhdhán mín  
giodh camdhán é no giodh cóir  
do-bheirim fan dTréidhe thuas  
nach budh séimhe an buas ón Bhóinn.

15 Ceithre ranna soinnmhe sunn  
nár chranna ag Roighne na rann,  
acht go dtuigthe a dtrian nó a leath  
do bhiadh do bhreath ós gach bhann.

16 Cuibhdhigh agus déana dán  
óir is suilbhir éarghna uadh,  
is faide bheireas go beacht  
iná reimheas na seacht suadh.

17 Súil tar na sleachtaibh go slim  
múin agus ceartaigh dod chloinn,  
adhair a maoin is a maith,  
tabair th’aoidh re a saith ‘s ná sloinn.

18 Ní tualaing breitheamhnacht bann,  
la Féine ní fann an fáth;  
an tseinbhriathar dheadghair dhaith  
meabhraigh agus caith re cách.

19 Raighne is Mhuireadhach an mál,  
raighne na muirearach mór,  
dias fa séaghain ar gach sruth,

nocha chéalainn guth dá nglór;  
gíodh bé do-ghéanadh a ngníomh  
do-bhéaradh síodh ar gach slógh.

20 Urradhas, cairde is cháin,  
urramhas is airde uain,  
ná measg trena chéile i gcleith,  
ná teasg féine acht breith fa bhuidh.

21 Ní rosgadh ná ráidhe a fhíor,  
ó losgadh is áille an t-ór,  
dá ndéana an corp is a chiall  
do-bhéara sgiamh ort gun ól.

22 Coimeas re cách 'na gceird féin  
ná déan go bráth d'fheirg ná d'uail,  
fearr duit gach duine god leas,  
uile, uile, theas is tuaidh.

23 Ná fóbair leithbhreath ar luach,  
tógaibh go feithmheach an fáth  
ná druid an claon ar an gceart,  
tuig a laogh, ba beacht an bráth.

24 Taithigh rathbhaile go rígh,  
aithin machaire seach móin  
tar go glan láimh re gach locht,  
ná gabh ar dháil acht corp cóir.

25 Mac Duinn Shléibhe, liaigh na sgol,  
ní bhia féine is biaidh a bhladh,  
Giolla neamhfhann na Naomh nár,  
fearann saor gan ghádh ro ghabh.

26 Bí go coimhdheas i ngach cheird,  
déana soirbheas agus saint,  
a fhir dá bhfoghain gach fáth  
ná bodhair-se cách do chaint.